


**Mlara President  
Dieter F. Uchtdorf**  
Ongerung el Counselor  
er a First Presidency



# Odam, Ak mla Oterkeklak

**A**terung el ngeasek el odam a dilchor er a kedadai el dkul a uet e omes er a mechellins el lmel. Tiang el basio a betok ar sorir el mei er ngii, me tirkang el odam a blechoel chadecheduch e mesaod el kmo ng mo tang el mei a mo suchesokl — el di ua rebebil er a rechad el bla lesterir.

Al tang eng di mle sorir el mo suchesokl, ngdi dimlak a soal el mo kot el mong. Tiang el dkul a uet a dimlak el sal kedadai, ngdi tirkang el terung el buik sel bel keed er a dkul el lomes eng kora kmal ngar bab—meng kora kmal mereched el changar a sebek reng er a rengrir.

Ngdi mle telkib, ea tang er tir el odam a kol mochang er a dkul el mla oterkeklii er a rengul el mong. E ngkel tang er ngii a kol dulang el di milngululau el kmo, “Kele bai le kired el mengiil el mo summer.”

Ngkel kot el odam, a di merolang el mo suchesokl, meng di mochang. “Odam,” ngulnger, “Ak mla oterkeklak el mong!”

Ngdi silchesokl el tmuu er a ralm e di mle mereched el me duum e di uleldiu er a oduil a rengul. Ngkel ongerung el odam meng dirrek el di mle mereched el otireklii ngkel tang er ngii. A uriul e te mesaod er ngii e di kadereuakl er a ikei el tekingel ngkel kot el buik er a uchei er al oustat: “Odam, Ak mla oterkeklak el mong.”

A oterkeklak a tekoi a di ua sel dolchesokl el tmuu er a ralm. Ke mla oterkekla malechub eng diak. Ke mero-lang el mo ruche malechub e ke di chelellakl. Ngdiak a belngel, el ka bong ma ka dim chelellakl. Kid el rokui

a di mo chemau a teletael el bo dolilt el di ngmodech a klechad er kid. Sel de chedal a Ikelesia, ng kired el di kid el oker er kid, “Ak moustat malechub ak di dechor er a dkul? Ak mo makes el moruche malechub ak di melchesuar a kelkeltel a ralm lousbech a edngelel chochik?”

A bebil er a klengt a derebet er ngii le kede meruul a mekngit; ea bebil a derebet er ngii leng diak a ngerang el de rellii. A ka de mui el mla oterkekliid er a osischakl ma lak eng di mo uchul eng di kekerei a rengud, di ngarngii a kngtil a rengud, ma mengesang er a uldesued el kirel a kngtid.

Tiang a diak el kirel duubech el mei er kid le kid a chad er a telbiil el chad. Kede riruul a telbiiled el obengkel a Rubak ser a de metecholb me a dirrek er ser a de siseb er a blil a Rubak. A resechal a remuul a telbiilir el obengkel a Rubak sel moterkokl el mora priesthood. Ngdiak a ngodech el kuk klou a ultutelel er a dotireklii a telbiiled el obengkel a Rubak Me di de ledkii a nger er a Rachel me a Leah el mora Jacob er a Chuodel Renged. Ngdi mle beot e di mle beches el ulchotii sel oterkekkel a rengrir: “Ngii di el ngerang el dilung er kau a Dios el moruul, mruul” (Genesis 31:16).

Tirkei el kal mui el mla oterkokl a rengrir a sebechir el ngmai a kal mui ma lak el klengtengat er a olechotel a klaumerang, deurreng, ma a budech. A mado er a babeluades a lobok el kirir ma lak. Tiang ng diak el kora klebelung el omelat, “Ak di oterkeklii a okeim el basent er ngak er elechang, ngdi sel mei er a luut er

Ngii, e ak mo oterkeklak el cherrungel dart el basent”?

A oterkekled el moltirakl er a telbiiled el obengkel a Rubak a rdechel a belted el mei er a Ikelesai. A oterkekled el mora Osobel me a Ikelesia er Ngii a oterkeklii a klechad er kid e smisichii a rengud me sel desang a Kristo, e Ngii a mechulid e dmung er kid el kmo, “Ngk-mal ungil a blam kedmeklii, kau el kmal ungil e ultebechel a rengum el mesiungek” (Mateus 25:21).

Ngarnгии a klekakerous er a omelatk el mo kudmeklii a tekoi me a kedmeklel. Tirkei el di melatk el molterkohl a tekoi a di mo metik a uchul meng diak. E tirkei el mla oterkohl er a rengrir a mo chemau a cholibeso-ngel meng ngdi motir el melekoi el kmo, “Choi, tilchang a ungil uchul mak mecherei tiang me a uriul ngdi ak rrengodel er a telbiil el ulterkeklak el remuul a kirek el kudmokl.” Te mo menguii a chedaol llechukl e mo blak a rengrir el olengit er a Edam er a Babeluades meng omekrael er tir. Te kongei el chemol e osiich a okedong me a ngerachel er a Ikelesia el mor tir. Te kerkikl el ngara miting er tir. Te moldingel a obliil e olischakl.

A belkul a tekoi er a Dois a dmung el kmo, “A iaksok a di ua orakiruu. Asekum eng diak el tang el moreked, eng mo mokekakil el nguemed er a bekel sils.” Elechang el de chedal a Ikelesia er a Jesus Kristo er a Uriul-klebesei el Santo, kede mla oterkohl a bekesel chochid el oltirakl er a Osobel. Kede mla oterkekliid el moltirakl er a okesiu el ngkel Osobeled. Ka di momtab er tiang el beluulechad sel mukngeltengat el mukbeches sel rokui el chedal a Ikelesia er a Rubak di bolotirakl a ikei el cherrungel el —urebetellir sel lebult a delbengir e loterkekelderir el mo meleketek er a rengedel a Dios.

A der tang er kid, a ua de dechor er a dkul a uet e domes er a ralm. Ng nglunguchek el kmo ngmo mesiich a klaumerang er kid, me kede di omakes el mo ruchej, e di mo chemau a dektek me a rrau a rengud er ngii el tekoi, e di kid el dmung er kid el kmo, “Ak oterkeklak el mong!”

---

## OSISCHEKLEL TIAL KLUMECH

“A tang er a roel e te mongeseu a remesuub el mo medengei a osischakl a sel lou zunga. Sel louzunga eng mo sebechir el mo ungil medengei e mtab a omeladk er a rengrir er a cheldechad me a suobel er a osischakl”

(*Teaching, No Greater Call* [1999], 166). Ka di mchiuii tiang el cheldechad, el mesaod er a oterkekled a reng el moltirakl er a osischakl, e molengit er tirkei el sorir me lechesii a zunga er a teletael el ngara osischakl el lochotii a oterkekled a reng. A rengalk a locha kirel mocholt er tir a sebechir el meluches el zunga.

## NGEASEK

### A Di Tang el Sebechek el Odersii

Mlara Alyssa Hansen

**N**g mera el meringel a bdeluk el melbedebek el kmo ak ngmai a udoud er ker el kirel a ikei el rokui el soak el mo meruul er a summer: classes, workshops, summer camps, me a kuk bebil. Ngdi mlo soak el leman-gel. Ak di mle kiul lematk a ikei el tekoi el ksiluub el di mo ultuil er a klaumerang er a Rubak. Ak di millatk el kmo ak di ngmai el rokui el lochang er a chimal a Rubak e di moumerang el kmo asekum eng urungulel eng mo orebet meng mekedmokl el mor sel soal.

Ngdi mle telkib, a delak a metik er a check er ngak er a mle urerek el dirkak el merukem, ea bol kukuk, ak ngiluu a kekerei el nguked el sesei el udoud el mlara mail. Tiang a kmal mle mesisiich el olechotel a klaumerang er ngak el kmo a Dios a kmal ngar, e Ngii a betik a rengul e kerkikl er ngak e modars a ikei el kuusbech.

Ng kmal mlo klou a omereng el saul e dmolech a beltkil a renguk er a Chedam er a Babeluades me a Ososbel. Ak kumelchesiu el uaia lolsesibes a renguk! A kuluureng el ochotii a dmolech el omereng el saul el ngara renguk, e mle soak el mengull er a Dios el ngar sel kot el klebokel teletelel el sebechek, e dirrek el mle soak el ochotii sel dmolech el deurreng el ngara renguk. A rebebil a kildmeklii tiang el lemuches a chelitakl, me a remeluches a llechukl el cheldechad, me a rouzunga, ngdi ngak a dimlak el sebechek el meruul a ikang el teletael. Ak di mlo melchesuar el kmo a tang el tekoi el sebechek el odersii el ochotii a dmolech el omengull er a renguk a di klechad er ngak el mo “cholchotel tirkei el oumerang” (1 Timothy 4:12), el di odersii a klechad er ngak el mora Kristo. Ngdi seikid a Ngii a olengit er ngii, e dirrek el di seikid a sebechek el odersii.

© 2011 loku a Intellectual Reserve, Inc. Urrekodel a rokui el klisiich. Milluches er a USA. Kengei er a English: 6/10. Kengei er a oidel: 6/10. Oidel a *First Presidency Message, July 2011*. Palauan. 09767 881



Klaumerang • Telungalk • Ngesou

# Mei er a Templo e Mngai a Klengeltengat er Kau

*Mosuub er tial klumech, ea di lungil, e msodii lobengterir a rodos el moldingel er tir. Mousbech aikel ker el smisicheterir a rodos e dirrek el rullii a Relief Society meng mo klou a belkul er a klengar kau.*

**R**odos, kid a kmal ngeltengat. A Osobel a dechor el bdelul tiang el Ikelesia. Kid al oked er kid a rengar el profet. Kede olab a chedaol llechukl. Ngarngii a betok el chedaol templo er kid el meliuekl er a beluulechad el sebeched el morngii e kudmokl a ruoll er a ikelesia el kirel kedmekill el mo ngosukid el lmuut el mora Demad er a Babeluades.

Kid a kired el ma kot el mora templo el ma remuul a kedmekill el kired. “Sel kot el moktek er a templo,” a losaod er ngii a Elder Robert D. Hales er a Chelchad er a Teruich me a Terung el Apostol, “a mo uchul eng sebechel mekedmokl a ruoll el kedmekill eng mo uchul eng sebeched el ngoschekl el mora rengedel a celestial. A ruoll er a templo a omekrael er kid el mora Osobel e meskid a klengeltengat el mei er kid el okiu a Tngakireng el Jesus Kristo. A templo a sel kot el ngar bab el daingak er a omesuub er a rechad, el meskid a klemedengei me a llomes er reng el kirel a blebelel a beluulechad. A ikei el teletelel a omelisch el kired el oltirakl e ochotii er kid a teletael er a klechad el kired el oltirakl elechang el de ngar tiang el beluulechad. . . . A ruoll a uldimukl a bebil er a tekoi el kired el oltirakl er elechang el de ngar

me a telbiil el kired remuul el melamet a klechad er kid el moltirakl er a Osobel.”<sup>1</sup>

Ngdi kedmekled er a templo a diak dil seikid el merkong. A President Boyd K. Packer, el President er a Chelchad er a Teruich me a Terung el Apostol, a ulelsischakl el kmo: “Sel bo domtechei er a chad el mla mad, eng kirem el lmuut el mtab a telbiil el blam ruul. Ng kirem el lmuut el osiich er a chelsel a rengum a kmal klou el klengeltingat el sebechel mngai er a blil a Rubak. . . . A kmal chelsel a telbiil me a ruoll a ikei el klengeltengat el sebechem el ngmai er a chedaol templo.”<sup>2</sup>

Mei er a templo e mluut el mei. Sel deruul e doltirakl a telbiil er a templo eng sumecheklid me ker di ngar sel rael el mo nguu sel kot el ngar bab el klengeltengat—diak a ulebengelel klengar.

*A Barbara Thompson, ongerung el counselor er a cherrengelel omerreder er a Cheldebechel er a Rolngeseu.*

## **Ngara Chedaol llechukl**

Isaia 2:3; 1 Korinth 11:11; Ocholt 7:13–15; Doctrine and Covenants 109

## **Ngara Reksi er Kid**

A Profet Joseph a mle blechoel mangedecheduch er a rodos er a Cheldebechel er a Rolngeseu er a

miting er tir. Sera dirk lomekedechor er a templo er a Nauvoo, ea Profet a ulelsischakl er a rodos er a suobel, el mangedmokl er tir el mo ngmai a lmuut el bebil er a klemedengei el okiu a ruoll er a templo. Sera rak er a 1842 eng dilung er a Mercy Fielding Thompson a omelisiich “a ngoikau el otebedau er a ilkolke e otungau er a kmal olechau mad el llomes.”<sup>3</sup>

A bekord el 6,000 el Uriul-klebesei el Santo a kildmokl a ruoll er a templo ra uchei er al chiis er a Nauvoo. President Brigham Young (1801–77) a dilung el kmo, “Ng mle uchul a klou el sebek reng er a re santo el mo kudmokl a ruoll [er a templo], e dirrek el mle uchul a sebek reng er kemam el mirruul el kirir, me ngak a di ulterkeklak el kirel tiang el ureor er a le klebesei me al mellomes, e di mle bad el euang el sikang er a bekel sils, e dirrek el dim le tang el bok rei er a tang el sandei.”<sup>4</sup> A duch er reng me a klisiich er a telbiil er a templo a millisiich ra re Santo ral chiis er a rekebelurir me a templo er tir el lora el mora diak el lodengeli.

## **ULEKLATK**

1. Robert D. Hales, “Klengeltengat ra Templo,” *Liahona*, Oct. 2009, 14.
2. Boyd K. Packer, *The Holy Temple* (1980), 170, 171.
3. *Teachings of Presidents of the Church: Joseph Smith* (2007), 482.
4. *Teachings of Presidents of the Church: Brigham Young* (1997), 299.

### ***Ngera Sebechek el Rullii?***

**1.** Ngerang el bla kisang el tele-  
tael a sebechek el ouchais er ngii  
el mor tirkei el kulingel er tir el  
smisiich a rengrir e oterkekelterir  
el “mei er a templo”?

**2.** Ak mekerang e ngmai a kle-  
ngeltengat er a templo?

A lmuut el bebil er a omesodel,  
e bora [www.reliefsociety.lds.org](http://www.reliefsociety.lds.org).